



Die fünffte Predigt des ^{v.} Edeler.
 dritten güldenen A B C. der fürnehm-
 sten Namen Jesu Christi vnsers Hey-
 landes.

Ausz dem Evangelisten S. Luca am
 19. Cap. v. 12. &c.

Der Herr Jesus redete durch Gleichniß / vnd
 sprach: Ein Edler zog fern in ein Land / daß
 Er ein Reich einnehme / vnd denn wieder käme:
 Dieser foderte zehen seiner Knechte / vnd gab ihnen
 zehen Pfund / vnd sprach zu ihnen: Handel / biß
 daß ich wieder komme. Seine Bürger aber waren
 ihm feind / vnd schickten Botschafft nach ihm / vnd
 ließen ihm sagen: Wir wollen nicht / daß dieser über
 vns herrsche.

Vnd es begab sich / da er wieder kam / nach dem
 Er das Reich eingenommen hatte / ließ er dieselbis-
 gen Knechte fodern / welchen er das Geld gegeben
 hatte / daß Er wüßte / was ein jeglicher gehandelt
 hätte. Da trat herzu der erste / vnd sprach: Herr /
 dein Pfund hat zehen Pfund erworben. Vnd Er
 sprach

R ij

sprach